



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბედგინიძე გიორგი სერგის ძე

ბედგინიძე გიორგი სერგის ძე (25. IX. 1911, ჟენევა, – 13. III. 1984, თბილისი), ნევროპათოლოგი. მედ. მეცნ. დოქტორი (1964), პროფესორი (1966). საქართვე. მეცნ. დამს. მოღვაწე (1973). 1931 დაამთავრა თსსი. 1931–32 მონაწილეობდა ექსპედიციაში ყინულმჭრელ „მალიგინზე“. 1932–34 იყო ჩრდილოეთის ყინულოვან ოკეანეში არქტიკის შემსწავლელი და კოლიმის მეორე პოლარული ექსპედიციების ექიმი; ამ პერიოდს ეკუთვნის მისი პირველი სამეცნ. გამოკვლევები, რ-ებიც ეხებოდა ჩუკოტკის ერთ-ერთი რ-ნის მოსახლეობის სტატისტ. შესწავლას, პოლარულ ფსიქოზს და ჰაისბეკის დაავადებისა და სურავანდის შერწყმის იშვიათ შემთხვევას. არქტიკაში ყოფნის დროს ასრულებდა საქართვე. გეოგრ. საზ-ბის დავალებებსაც, აგროვებდა კოლექციებსა და სხვ. ზ. იყო II მსოფლიო ომის მონაწილე. არმიიდან დაბრუნების შემდეგ (1951-იდან) მუშაობდა თბილ. კურორტოლოგიის ინ-ტის წყალტუბოს ფილიალში, სადაც ხელმძღვანელობდა ნევროლოგიურ განყ-ბას და ასრულებდა დირექტორის მოადგილის მოვალეობას სამეცნ. დარგში. აქ მან შექმნა ბავშვთა პოლიომიელიტის განყ-ბა, შეიმუშავა პოლიომიელიტგადატანილ ბავშვთა მკურნალობის მაჩვენებლები და მეთოდოლოგია. მისი ხელმძღვანელობით ჩატარდა სამუშაო კუნთების პროგრ. დისტროფიისა და ნერვული სისტემის ორგ. დაავადებათა ბალნეოთერაპიის ხაზით. 1958-იდან იყო კლინ. და ექსპერ. ნევროლოგიის ინ-ტის დირექტორის მოადგილე სამეცნ. დარგში. იკვლევდა ნერვულ დაავადებათა ეპიდემიოლოგიას, ტვინში სისხლის მიმოქცევის დარღვევას და ეპილეფსიას. მიღებული აქვს სახელმწ. ჯილდოები.

თბზ.: Курорт Цхалтубо и его неврологическое профилирование, Тб., 1963; Словарь по терминологии эпилепсии, Женева, 1973.

ლიტ.: ბ ა ქ ა რ ი ა ძ ე მ., მ ე გ რ ე ლ ი ძ ე შ., ქართველი ექიმები ჩრდილოეთის
ექსპედიციებში, თბ., 1987.

ა. ზედგინძე
